

摘藻堂四庫全書薈要

集部

欽定四庫全書薈要

集部

御製詩三集卷二

詳校官原任編修臣徐立綱



欽定四庫全書蒼要卷一萬三千四百三十

集部

御製詩三集卷一

古今體七十五首

庚辰一

庚辰元旦

東  
細  
節  
循環五運推三靈引達正昌時歲惟振美期農稔

月應孟陬與物怡淑氣閭閻調律琯羣生嘒嘒沐春祺  
武成敢詡堯封廓敬久還求禹甸治

元旦試筆

樽木初輝少海紅敷天春色遍寰中撓支振美資三始  
王路由庚達大蒙銀箭漏聲遲細細墨壺香氣暖融融  
綵箋試筆今年幸耆定伊西早勒功

三白先春燠沐舒鳳樓瑞氣曉扶輿金泉應律閩龍戶  
玉陛朝正引象昏赤縣東西一尉候黃圖南北共車書  
家饒室裕均希彼保泰求安敢懈予

元正太和殿朝會庸作歌

晨參晝會肅朝儀正殿春融赤羽旗考夏綜周原舊典

夏球舞籥迓新禧十年一舉寧為數

正殿朝會雖舊典然率不舉行庚午

以平定金川又朕四旬之慶故一舉行茲西師武成綏服四部拔達克山安集延哈薩克布魯特皆稱臣入貢兼值五旬大慶故命循例宴饗萬國來同倍切寅吏治民生厯宵旰問

方詎止藉斯時

祥花瑞葉玉樓樓慶恰占年景福禔耆定不期徠默克安和惟是洽羣黎溥陳漢殿魚跳水却聽天方鳳奏西

時將軍兆惠自葉爾奇木得回部樂奏送適至因命於大饗所陳諸部未肄之其器有大小鼓簫管攝琴洋琴之屬其伎有倒刺都簪筆誰成元會賦持盈應悉敬彌廬及承盃轉磔之屬簪筆誰成元會賦持盈應悉敬彌

躋

葉爾奇木驛貢石榴蘋果木瓜三種詩以紀事

大宛天馬早歌徠果品惟三致自回張協金牙斯漏賦  
牂牁蒟醬此殊開詎曾燕趙移根往且共瓊琚包貢來  
慎德何須却食物兢兢敢詡版章恢

偶為五君子圖仍疊舊韻題句

飛潛動植質縱殊何一弗具天地性植中君子數有五  
貞介寧隨衆草病各各圖貌傳其神玉磬真稱善起興

譬三百皆屬風人此是二南非衛鄭螭坳綈几延清伴  
色暎祥靈春始孟幾餘命筆聊仿為寓意要不失乎正  
藝林偶涉那求工玩物誠恐妨於政

敬勝齋

君道典謨備始終惟一欽丹書爰取義白室此為箴常  
有圖書伴如承師保臨凜乎朽索喻逸豫敢萌心

題靜怡軒

彤宮宴息處清舒敞雲楣粹䟽例弗却

宮中棟宇  
例用藻績珠綴

奢厭施琴書箇中富間亦陳鼎彝穆然古與對三代興  
翹思漢唐兩文帝尚未窺藩籬三代詎易言以此增忸  
怩側席恒不遑奚曾靜且怡

詠扎卜扎雅木椀

西藏出此木云草根結成者以為椀能解諸毒鏤  
鐵為室彼中貢品最珍物也

椀室飛龍鐵鑄形草根為木韞仙靈伊蒲法食常陳座

方物丹書亦貢庭

歲中每歲遣使來貢例於  
初春進丹書以祝新禧

珍比華



琳纜出璞絳如孔雀乍開屏咸賓縱足昭文軌堯舜還  
慙歎土劍

題元五名家合璧卷

岸石汀沙水一灣閣閣獨把釣車閒雙松平遠契神韻

孟頫有雙松平遠卷似貌伊家伯仲間

右趙雍松溪把釣

鈎圈畧異楊家法春滿冰心雪壓腰何礙傍人呼作杏  
問他杏得爾清標

右王冕墨梅

畸人閒泛綠溪濱  
相推微言不可聞  
便使下風聞一二  
赫胥前事那區分

右朱澤民清溪客話

古屋深林柯葉輳  
樂饑高志抗由巢  
杜陵點筆成秋興  
且喜西風未捲茅

右張觀茅堂倚詠

依林結宇翠陰濃  
閉戶經年客鮮逢  
谷口板橋不妨設

叢條都解掃塵蹤

右方從義迴溪林屋

新正養心殿

西師歸振旅東陸舒由庚執徐奉執規持躬凜持盈三  
白兆宿歲萬幾簡新正間中足養心而予有所怍懷安  
豈良圖無逸斯元亨自強勵不息善長時偕行

降旨免甘省辛巳年正供詩以紀事

邊省民風淳是予亟嘉眷師旅所由經能無勞郡縣連

歲免正供給值酬輸轉遇災仍賑恤問閭期惠遍即今  
縱武成休養寧當緩叶預免循向例去歲即預免今歲正供矣初春  
頒渙汗惠心勿問吉助陽實政見

王淵鸚鵡梅雀

鸚鵡噪枝頭麻雀為驚起由來小畏大物情詮易理在  
上貴不驕其祥來止止

祈穀齋居

元正昨纔過翼日齋居虔祭無不用敬況此祈民天慶

典例弗舉在簾徹樂懸歲前已立春春屏朱戶駢秋金  
雙麥穗綵綺太平錢徵吉匪為已所願豐農田蓮漏遲  
銅壺幾暇殊清便安靜迓崇禧無妨什華篇

竹琴

庸詎中郎爨下來應緣從事宅邊材虛心雅似大絃義  
勁節全將次柱該鳴鳳棲鸞誠不忝秋風涼月也堪陪  
漆膠布藻渾無藉便是詩中有別裁

鄒一桂梅竹

碧琳竹與粉珠梅著壁多時謝別裁尋詠畢然緬江左  
平安春信早傳來

詣齋宮疊去歲韻三首

辰木庚金歲德陽躬親祀事我其農春朝候早將于耜  
詣宿惟殷祝錫穰

春色皇州日午中六街三市瑞煙籠大光延美誠斯日  
磐石苞桑敢懈衷

和閭憑輦竭觀諸九陌依然積雪居今歲景光勝去歲

惕乾即切慶忻餘

祈穀禮成述事

祈年寶殿聳三成松蓋芝田積瑞霽五位

天行臨上日

辛穰歲德合陽庚芬芬懿懿陳籩豆濟濟蹌蹌引辟卿  
駢疊

圓靈昭貺祉誠忻誠感畏尤誠

竹如意

本是篔簹節，幻為蒼葛花。  
指揮寧復落，金矣不重沙。

金廷標鷓鴣茶圖

繡壁琳溪綠，陰澗擇勝建。  
城權欹擔龍，腦不入恐奪真。  
鳳髓小異何妨淡，滌煩喜就碧。  
梧風供役且殊陽，武僮然疑突。  
間祀陸羽，依稀椀際遇。  
盧仝周昉，寓意古無比。  
小幅傳神，頗清美已飢。  
已溺禹稷，懷渴亦人情。  
吾屢此

新正重華宮侍

皇太后宴



鳳輦臨龍閣新年第一祥  
彤庭增喜氣綠野遍春光  
欣  
峇初韶令欽稱

萬壽觴扮撩蘭百和勝帖  
燕雙翔綵服孫曾繞

遐齡日月長宮中行

樂養欲以化羣方

三友軒

妙蹟緣收益友三名軒  
聊復助佳談詎惟笈裏古香挹  
更愛憲前生意含觸目無非遠塵俗會心皆可入研覃

幾餘適足供清賞廣厦千間憶輒慙

柯九思白雲精舍圖

精舍惟聞稱白雲主人姓氏未教聞箇中若用鼠鬚筆

書法何如王右軍

九思自識云用張可鷗硯郭忠恕墨故戲及之王右軍得此筆法於白雲

先生亦有出也

邇日

武成歌振旅長途歸凱軍汜勝占三白積玉遍滕鱗邇日更有喜次第奏章聞王畿固普被河南北亦均於東

逮登萊於西則晉秦江浙及荆襄盈尺報鋪銀深消遺  
蝗種淨蠲癘氣氛兵後不易值何修沐

天恩敬勤惟益黽遑敢忽笑頓休養恆恆願額慶同吾  
民

題唐寅曉林慈鳥

反哺鳥之性自然人生百行孝為先指鳥興孝為圖者  
未讀騶人告子篇

重華宮曲宴御前藩王大臣侍衛及內廷翰苑諸

臣即席得句

曲宴重華隔許年

自丙子新正賜宴侍  
臣於今已五年矣

盱宵惟是履籌

邊却欣汜勝占三白況值武成拓八埏嘉與賢藩酬綺

節便宣翰苑賦瑤篇尚懷奏凱歸來者風雪長途正著

鞭

新正重華宮錫宴聯句

有序

穰金紀歲豐玉迎春萬彙所以由庚喜誌昭華之  
瑄六師於馬洗甲懽行酺樂之樽爰因嘉會以聯

情用撰芳朝而展宴時也宜人序近七種菜先挑  
幾日膏融

祈穀辰過九微燈預試一旬風暖舊藩新屬咸依釦砌  
敷茵樞府詞垣共拓芸窓給札晴延綺旭溫樹龍  
葱潤帶瓊霏唐花醞醇快覩臺端景慶雅奏初調  
漫呈檻畔魚龍彌文詎侈槃薦天方之果蒲萄苜  
蓿兼玓拍諧默克之音傑侏兒離並采傳呼鬢客  
既手擅跳丸宣賜僬童亦身嫻倒刺凡以備昇平

之盛事寧將崇雕績之浮辭況看虎帳凱旋飲至  
禮隆郊勞即竹龍樓倅獻受成歡洽登歌緬億年  
保泰惟殷摛七字母忘規頌咨百執賡颺斯永屬  
五巡正叶疇圖

御製朱鳥龍樓積素晴筵開翰墨韻重賡青陽初祉欣同

迓

丹地新禧肇大亨響徹鈞天如噦鳳人來味谷快遷鶯

衣冠侍

陛趨元會

臣傳恒

干羽陳階賀武成勃律不煩招尺簡高

昌早見繫長纓于闐遠獻方流璞

臣來保

渥水頻牽

汗血駢金葉表通諸國字綠頭籤押外藩名十千

稼兆三秋實

臣史貽直

戊巳屯開萬里耕柑先一旬分

裏帕莫當五葉恰抽萌波融雞塞辭輸輓

臣蔣溥

御製沙暖龍堤免踐更舒疊羣知方出震執徐兼值大橫

庚崇文行令非為數

賜復宣綸亦既并擊壤謳謠傳野叟負經踴躍徧新黌

衢尊滿挹膏滋盎

臣劉統勳

厨蕙和扇露擢莖大地歡

騰昭豫順

圜壇禮備格

純誠東華韶共

儀鎧轉

臣陳德華

南陌春隨爆竹勻  
旖緞椒花芳氣洽  
簷霏

柏子篆煙橫華茵班列東西序

臣劉綸

葩瑤瓔垂大

小檠捧爵一時承燕衍  
籌邊五載仰

權衡風傳月竈銷烽堠

臣董邦達



御製水挽河源洗甲兵厄魯王庭淨遺騎筠沖回部列編

氓凱旋佇錫太平宴

豐慶還開不夜城凸鼻襁兒羣接踵冒彫角技儼

分棚銅絃急撥龜茲調

臣表曰修

檀柱徐搗郝索箏巖

袖花冠紛拉還蠻簫羯鼓遞嚶鏗弄丸脫手雙拳

捐

臣于敏中

納卵承眶一目瞳碧腕空中矜妙旋長竿

齒上詫孤撐曲翻于為珠聯袂

臣介福

術幻佞僮錦

倒綳聳體翩翔疑鷺濯懸跟彳亍學夔夔轆轤貼

地侏儒小

臣金德瑛

御製宛轉登場傀儡輕舞雜都盧觀曼衍樂陳傑侏叶和

平作歌敢忘欽哉意

獻頌惟抒敬爾情躔正南弧環壁曜暉明西嶽麗

霄崢自

天題處仙毫潤

臣保觀

繞座看時瑞采生簡授螭坳思乙

乙壺傳虬漏響丁丁那居豈弟魚依藻

臣錢式燕

汝誠

笙簧鹿食苹仙木歲蕤臨畫檻綺錢飄颺對文楹

稱身囊錦當膺佩

臣王際華

如意雕瓊盃手擎十字甘

應逾說餅五侯鯖詎數調羹雲腴嫩浥分佳茗

臣錢

維城

御製霜顆香回擘細橙三品堆盤西域果百珍飮盒大官

錫綵屏寶勝迎人日

烏弋黃支奉

夏正翠甲待挑七種菜豔貂齊晉

萬年觥謝莊衣點三英粲

臣寶光

汎勝書占百穀精太蕪

律調鞞屨掌孟陬次應攝提貞雲凝鳩鵲寒猶峭

臣張泰開

玉琢俊猊貌尚獍蒲類水澄開赤縣崑崙關

遠接瑤京鰈鷁奉責占風至

臣金姓

葵藿披忱向日

傾即啟

鳳閣傳獻馘早看魚海拜來評春臺人共登

三壤

臣倪承寬

御製壽寓思將遍九瀛北漠喜聯東壁侶唐花爭共臘梅

榮一家中外誠斯際對侑卮惟慎奉盈

沈周石湖圖

行春橋及上方山歷歷曾經想像間  
老沈真齊黃與范坐遊那費往和還  
今非今亦昔非昔忙自忙兮閒自閒  
寄語桂坡沈周自識為桂坡先生作應好在對圖贏得幾酡顏

人日瀛臺即目

問

安長樂噦鸞聲佳祉欣占人日晴  
祇以對時懷位育因之取便到蓬瀛  
歲華見說登臺賞國典惟遵徹樂鼓

是日

忌辰例  
不舉樂

寶月樓頭春色好為田一攬萬民情

登寶月樓

聳出宮城五色雲  
皇都佳氣鬯氤氳  
居中攬外襟懷暢  
擊轂摩肩臧植殷  
正看銀屏當七日  
且遲玉鏡與平分  
近臣惟是知有喜  
那識持盈一念勤

賦得漱芳潤

窈窕雲廊轉邃清  
芸閣通經書趣有  
永翰墨樂無窮潤  
發心源濬芳含意  
葢融集虛原踐寶  
釋躁匪談空浴德

期瀝漬研精勉擴充詎惟資藻句二典企欽崇

題瀛臺木燹石六韻

香宸前墀峙稜稜勝國留莫稽來所自難悟是何由風  
雨長林裏荆凡大海陬精華有獨得氣味本相投寧介  
榮枯意還辭斤斧脩春明如續錄文獻此堪求

即事

雪酥晴旭蕩煙光羣玉叢中詰逕長得句便書宣硯匣  
懋勤供奉又應忙

新春豐澤園

今春豐澤真豐澤珠有光輝玉有煙潤蔚千塋物勾甲  
融調太簇氣規園柳絲積素消垂雨簷筋條冰化滴泉  
亟待西來新使到萋蕭好與荅韶年

題鄒一桂五香圖

桂

已豔劉安口那論吳剛手似語同馨者於秋獨能守

菊



聯桂自居弟顧梅堪號兄合是徵士友色香總絕清  
梅

斜掠一條冰品題難揣稱圈圈點點裏直是佛心燈  
蘭

入衛風人詠宜楚大夫滋即此足終古寧惟芳四時  
水仙

伊人生面開別有五君子如語松栢竹共梅復於此

新春淑清院

西苑筵開惠遠人需傳外辦且逡巡石泉益峭緣經雪  
竹栢雖蒼解媚春趁暇仙壺聊悅目開韶翰席越怡神  
土膏香潤向陽草念到農田慰是真

雲繪樓

棣通景物闢韶妍又見魚鱗皴遠天水墨丹青爭獻技  
東皇寧許一家專

題同豫軒

在卦坤遇震德為順以動利建侯行師其說備周孔此

軒雖舊構此義實常竦作樂崇顯承清刑服林總鳴凶  
有必吝介吉無虛恐盱視遲則悔大得朋接踵貞疾蒙  
業安成渝致戒重六爻旁通情大易寧鑿空于馬觀玩  
辭如弗勝洞洞傳詎藉田丁榮如讀鼉董庭前植碧梧  
吾將企萋奉

瀛臺賜宴安集延來使即席得句

奉檄猶慙力未宣

安集延奉將軍遣侍衛檄諭即欲協擒霍集占兄弟以逆賊未至彼境即

專使顧請入覲

石旋書捧使來專閉關難學漢光武謁陞何期

安集延西苑都稱到天  
上南蘭羣喜沐恩先

時拔達山使尚未到

坐冰床至悅心殿

筠沖錫宴有餘閒  
瓊島韶光暖鏡間  
尚可翠鸞輕柁試  
徐過玉竦一橋彎  
凍酥岸覺看波漾  
春到物知聽鴈還

是日聞回雁聲

今日悅心真恰當  
憲憑積素慰開顏

慶霄樓即日

堵波高矗傑樓橫  
伊字當前三點成  
霄是眼華由景慶

月如心印任虧盈且遲慧草緣階茁正喜唐花暎座榮  
繡戶懸燈從未賞常年孤負此稱名

題閱古樓

壁勒千年字

壁間列嵌三希堂石刻全部

架藏四部書每因暇來憩

欣與古相於翰墨漱芳潤雲煙幻卷舒欲詢陸司馬所  
閱竟何如

金廷標聽泉圖

竒松既插壘詭石復礮砮振鷺落巖間鯨會八音夥高

人耳屬右迴顧語其左是曰以目聽於斯何不可

御午門受俘馘

函首霍占來月竈傾心素坦歎天閭理官淑問寧須試  
驃騎窮追實可臧西海永清武保定午門三御典昭詳  
從今更願無斯事休養吾民共樂康

瀛臺賜宴拔達山來使即席得句

歸俘獻馘識忠誠貢使隨來萬里行第一西方足嘉國  
無雙天下此都京俾觀禮樂三千盛待賞煙花午夜明

重譯又須宣象寄

近始畧習回語可以  
不煩譯寄而拔  
達山居極西語又  
異於葉爾奇木故

仍煩回人  
譯彼語也

筠沖語異逮濛瀛

題張宗蒼水軒吟眺圖

雲深小結廬溪閣  
宵而䟽靜憩羲皇  
晝澄觀上下虛遠  
然夢有蝶鄙矣歎  
無魚門自不如市  
寧稱心水如

降旨加開恩科詩以紀事

有序

南極燭榮光推

恩因而錫類西瀛  
宣愷樂振武即以  
揆文每庚辛典數

十年宜甲乙科開兩榜慶方覃於多士令允協乎  
始和夫詩曰思皇載蒸新標易云利見亦彙茅茹  
庶幾合萬國之歡益躋

仁壽抑且歌九功之敘彌翊昇平吉語既沛十行長言  
爰賡四韻

七袞將稱

萬壽杯定功況復遠人徠允當偃武脩文會嘉與秋闈  
春榜開施惠匪沽行小惠育材所願得真材杏華桂粟



芬芳萃瑞應今年戴斗魁

文徵明晴山策騎圖即用其韻

吳天晴似未晴時過雨前村水滿陂  
欵段溪橋如怯步因之也與意俱遲

瀛臺曲宴外藩

仙壺曲宴荅韶年舊典惟遵憶  
懔聯北漠戶庭真密邇西瀛  
表帕許參連

蒙古王公等朝正來者賜以曲宴歲以為常今歲並令回部來使入席且

奏回  
樂  
兜離歌與任傑舞拔達山將安集  
延近悅遠來寧

易易側身基命益乾乾

是日復至畫舫齋

賓筵賦罷小優遊韶月壺天耐賞酬已似乘浮冰欲解  
却原不共水常流高飛迴鴈猶猜櫓負陟潛鱗未受鈎  
縴几瑤箋供置句拈吟真是泛虛舟

鏡香室

花向鏡中看香亦鏡中吐六根及六塵錯綜互水乳本  
來無定相名字幻爾汝曰臯觀目覲羣指為妄語蒼頡

輾然笑已定難易古不如且臨鏡雨後風前佇是謂君  
子室實卽化人所

題閱古樓靜室

千秋法寶聚球琳三寸離鈎妙義尋大士如如破顏笑  
威音那畔祇而今

賦得一壺天地

十笏無餘地一壺有別天虛意足攬結詰徑偶延緣窅  
落四禪表希夷萬景全神襟惟妙達俗慮不期蠲領要

契元始入微得自然張申如慕遇那擬問金編

沈周琴月圖

寂歷夜齋清文琴膝上橫四山忽覺響孤月十分明誰  
洗箏琶耳獨怡雲水情虎頭不自寫付與石田生

琴月齋為

姑蘇顧廷悅書室名  
見卷中倪岳序語

新正恭奉

皇太后幸圓明園即事

西山積素喜迎人今歲韶春果是春振旅三軍前後接

朝天使者到來頻

時諸部並遣陪臣入覲安集延使陀克塔瑪特等拔達山使額穆爾伯克

等已先後與宴而布魯特所遣西拉噶斯等亦即日抵京

逖䟽率與光明耀勞徠猶

宜燕衍申畧得對時博

慈豫

壽徵福履自駢臻

鄒一挂松梅

花終色也梅偏潔樹縱林然松獨蒼乍看傳神已瀟灑  
徐思寓意不尋常

新春御園即事六首

華鐙綵勝繪韶妍  
瞥眼林塘又隔年  
今歲春光早往歲  
冰消乍可試蘭船

山亭水榭一相於  
火樹銀花待節舒  
所覺便宜定奚是  
不須丙夜治軍書

安集延將拔達山  
仰流羣集覲天關  
勞徠行慶逢嘉節  
敦儉焉能一例刪

西山積素矗遙稜  
又見輕雲傍晚興  
不雪何妨雪終好

由來知止定誰曾

鴈迴魚陟柳穉枝春到人間萬物知  
觀象義經思茂對  
惴矜惟是奉無私

先春三白兆農宜  
山脚庭心總潤滋  
原是朝乾夕惕所  
敢誇累洽太平時

詠飛爆竹

一星燃燁外萬片飛  
拔刺四句率爾成  
捷於響銅鉢

董邦達層巒疊翠圖

鬱鬱復堂堂層巒望未央連林方縹綠疊巘間標蒼迥  
出重霄上如臨員嶠旁問誰成好句憶是絳州王

御製詩三集卷一



欽定四庫全書薈要卷一萬三千四百三十一集部

御製詩三集卷二

古今體一百十首 庚辰二

上元前二日萬壽山賜親藩及諸回部宴詩以紀  
事

萬壽山光隔歲看初韶行慶駐鳴鑿朱琴儀鳳調伶史  
翠釜供羊出大官詩孰蔡襄咏嘉祐節同景德宴蒲端  
何期戎索茲開拓敬保金甌永乂安

樂壽堂

湛露歌餘報已牌  
名山延賞寄澄懷  
釣陶錦繡化工宅  
松竹笙簧仙籟諧  
棄暇靜緣仍翰墨  
勾萌生意到根荄  
憑窓別有慰心處  
蒼蔚西山勢又佳

水泮

水泮昆明湖溶溶  
新水漾鷗鳧與鴻雁  
容與翔翔狀或立  
戀薄水或泛喜輕浪  
虞弋那令施水圍  
曾不張物各適其  
適我亦暢所暢抑  
更有深慰水田蓄  
胥旺鉞壘可

弗慮春耕定無妨三白更優渥殊勝去年况偃伯人情  
熙舒疊春工鬯雖然敢怡悅怡悅斯心放

石舫

解凍喜澄鮮飛龍艤岸邊瑋石蓬眇煙水華燭繪韶年歷  
詠故新句坐看來往船彼原有所待此舫祇如然

尋雲亭

尋亭遂至雲深處雲與亭渾不可分謝眺未知一合相  
隨山見說去尋雲

# 題夏圭山水

焦墨曾聞待詔精，山川韶秀繞江城。殊非畫院殊蒙璜，亦有幽居亦利名。野水漲生落漁網，春田雨過出村耕。展觀詎止雲煙賞，職植民依總厯情。

## 上元前夕曲宴宗親紀事

帝室韶年敦敘宜，笙歌酒醴荅昌時。內安外靖均

天澤，授几肆筵申燕私。却笑耐金聯瓊弁。

漢會諸侯例  
貢耐金金不

足者有罰  
此何政體

恰歌行葦燦索枝，西樓燈火須留看百技新。

增葉爾奇

題金廷標十八學士圖

當年學士號登瀛  
天策居然是玉京  
試問圖中擬仙者  
果真誰忘世間情

上元夕恭奉

皇太后觀燈火

樓頭歲歲奉

慈娛今歲

慈娛勝且殊樂聽侏離復僭侏舞看跳劍與都盧明燈  
忽綴千珠網翠火全張

萬壽圖所喜

萱階紓念切敢誇蒲海奏功膚

上元燈詞八首

銀蟾十二度虧盈初度團圞分外明況喜農田三白兆  
更逢絕域武功成

村燈社火鬧闔閭一日樂原可聽諸邪忘去年當此際

六鼇山底治軍書

三元嘉夜福駢轅  
翦綵流黃歲歲新  
荅臘都曇擬響處  
太平音裏太平人

龍從鳥集舞林離  
跳劍尋幢呈百竒  
拔達山將波羅爾  
聽觀鳧藻喜閑知

都盧技本外方來  
漢使艱難鑿空開  
試問千秋搗句者  
分明親見是誰哉

暮景西山霞脚紅  
須臾寶月正當空  
一家中外聯茵席

底論空桐與大蒙

秋榜今年樂育材  
玉關振旅賦歸來  
佳哉此夕華鐙下  
太喜花開照酒杯

千葩吐燄霎時中  
殷七應輸技未工  
原有蒲簾延月者  
愧言此樂與民同

題金廷標放鶴圖

一鶴立苔蒼一鶴翔松古  
翁僕齊拍手呼之鶴喜舞  
廻顧不肯飛似與其儕語  
稻梁隨處安奚必青田圃  
是謂



善寫照傳神在阿堵故實斯已多那辨張天林通許渾

上元後一日曲宴廷臣

翼宵曲宴集公卿豫樂胥殷恭敬情紫鹿高絙縱奇麗  
蓼蕭湛露本和平相於卜晝三巡罷同此祈年一念誠  
繡簾草蟲吟唧唧對時堪驗物勾萌

過望依然寶月輪歡聯泰陛荅韶春剛欣絕域功成日

尚繾長途振旅人時將軍兆惠等班師至哈密尚未抵京師耗磨走橋聽方

俗瑤箋斑管命儒臣歌聆需雅駢千祉共祝綏豐福在

民

張符出牧圖

猶龍曾跨背與馬不同風符亦傳神者肯教讓戴嵩  
韓虎道古龍妙手稱擅世齊客有精論馬難鬼神易  
潤步出煙莎寢訛天機秉我亦司牧人披圖發深省

十八日閒詠

排日閱煙花達陽時令順今歲有遠使慶惠更難靳三  
白已優霑幸免望雲問祇慮泰或驕雖處亨尤慎高詠

玉局詩今古叅一瞬

戲成四友圖各題以句

松

性是白鶴孤形乃蒼龍偃試問如擇交可能遺楚畹

竹

倪迂瀟灑枝自取性情驗鳳影將龍文母乃失華瞻

梅

為愛衝寒意聊成照水枝逋翁得句後祇合罷言詩

蘭

氣味出塵凡丰姿自高格把臂君子林寧當厭生客

燕九日作

七日燈宵一日餘

自十三日放燈至十九日收燈共七日

樓西斐景醺渠

胥纏頭羣喜瞻天表挺臂何妨挽月虛

是日令肆馬上諸技畢復觀率

近侍諸藩較射命天壘中俾回使觀之蓋外夷所慶節重惟武燈宵百戲彼雖愛觀不至如此驚服也

發陽原典故騰輝吐燭尚龍魚新年百務咸亨順為

去聲

是矜矜越凜子

摘梅謾詠

春氣到萬類萌兆無無時梅本華中聖先知覺後知古  
榦育瓷盆培護咸得宜開花香且繁累累壓垂枝嫩朶  
不得綻薦辦亦鮮滋是謂過於盛既盈必致虧又如向  
隅者獨弗蒙陽曦繞樹悟斯緣掐摘試脩治十分去大  
半乃露骨格奇酣放率屏却含胎留待披其韻始入畫  
此舉實宜詩本非學陸凱底藉擬佷期銷人尚熟鬧竊  
惜夫何疑

張渥空谷幽居

幽居空谷是伊誰渥也無端筆寫之留去本來由已耳

武原徒羨又奚為

上有武原古錢居士題何年謝却  
虛凡事來與君家擬卜鄰之句

初春含經堂

土膏蒸潤滋春氣  
鬯熙怡蛻動鱗蟲肖  
勾萌草木知綺  
燈酬節罷綈几棄  
閒宜趣是詩書永  
鑑惟今古披芳欣  
梅韻潔靜覺漏聲  
遲觀象義經玩元  
為善長時

題五妙樓

陰陽動靜互為根  
智水仁山衆妙門  
樓上雅宜讀周易  
當前成性契存存

賦得恬虛樂古

藝云苑五車聚心齋  
十笏餘居今愛稽古  
取實亦凝虛適  
可分陰惜坦然尺宅  
舒詩惟吟杜甫史與  
論應璩竹薄  
風乘爽松喬月入踈  
仰觀兼俯察妙義總  
如如

沈周水村圖

吳天欲雨雲低脚  
靄靄淒淒隱翠峯  
記得垂虹亭那畔

時時此景舸前逢

即事

燈事始十三例當收燕九金錢買底湏煙火樂同後累  
洽帝王都民物誠安阜上林及邸第酬節介眉壽却塵  
百里外茅簷能此否七日霎將過鬧熱夫何有風每傍  
晚停時哉斯亦偶不敢萌豫心且慢騰諛口

宋瓷駱駝

泉渠竒種出荒遐寫象雙峯亦自嘉乍可昂頭辭鞞革



漫稱閉口解埋沙致遙惟許哥舒翰負重得休紇那耶  
脩內陶成供秘玩詎期五國伴愁嗟

題張宗蒼山水

泌之洋洋大壑漑石橋有而無路通屢屨之上箕踞翁  
是巢許乎抑隱洪岫幌掃跡薜荔叢蒲輪鶴書求何從  
白雲舒卷空谷風超然元著意正同

向陽草

雪足立春早融潤地氣升孟月纔過半向陽草已萌栽

培有如是大矣陽德亨枯荻蘇嫩綠孚甲含新榮與物  
樂春臺對時宜怡情然予有餘思東郊將舉耕去歲非  
豐年補苴聊濟氓籽種寧不缺緣此恒怵怵向隅苟一  
夫吾過慙懷縈有喜何易言無逸勉以誠

王蒙林壑雲泉

曲注白雲端澹然落澗底色聲堪眺聽聞立遲高士道  
筦會有餘言泉發無滓頽彼非陸賈望表亦知裏

微雨

正月廿四日

昨晚絮雲興濃陰問夜稱侵晨徐浙瀝頗土漸凝蒸潤  
意真堪喜煙光雅入憑春膏霏特早奉若益兢兢

新春遊萬壽山報恩延壽寺諸景即事禱詠

懸燈列炬慶霄闌  
趨暇名山此靜盤  
祇樹法雲瞻寶月  
如如不動鎮團團

寶塔初脩未克終  
佛樓改建落成工  
詩題誌過人皆見

慈壽原同山樣崇

先是欲做浙江六和塔式建塔為  
聖母皇太后祝釐工作不臻而顏

因考春明夢餘錄歷載京城西北隅不宜高建窳堵乃  
罷更築之議就其基改建佛樓且作詩紀實題曰誌過

云

階際青青草布茵尋常行處不生塵  
玉瀾堂外溶新水  
鳧鴈鱖鱣總樂春

湖水昆明蓄已多雪消冰解漲新波  
林丞又怨艱疏洩

去年司苑固者每怨湖寬水少不足濟用及秋冬雨雪  
霑足亟命儲蓄茲春融水解水勢頗壯有司又恐潰隄  
有增築之議虫虫之見固難與之論是非也  
守例真工奈汝何

肖翹頓動柳生稊脈潤土膏欲作泥却繾吾民于邦者  
趁時佈種可能齊

萬物春臺果是臺  
韶光有脚見倪哉  
六橋那畔應偏好  
分付東風待再來

題惠山園

位置全規寄暢園  
每因謁涉異同論  
數峯龍阜渾齊峻  
一水梁溪訝討源  
松是綠虬低欲舞  
石如白鳳仰疑騫  
借來明歲春陰况  
誰辨江南與薊門

己降旨明歲恭奉  
皇太后南巡

圓朗齋

潤土物熙怡晴旭  
春和盡妙矣天一笑  
條鬣被萬象對

時惟予臧體乾更予仿靜實動之根元者善之長試者  
造化功夫何有偏黨橐籥奉大圓洞屬懸日朗頌名每  
思義敢曰恣偃仰

知春亭口號

春來萬物盡皆知何獨知春四柱茲仁者謂仁無不可  
樂其所樂有如斯

味閒齋有會因而書壁

謂閒有足佳周書無逸披謂閒弗可尚大易訓從思權

衡於其間身心知異施心欲安而泰然非屏敬寅身欲  
勞則勤却匪懂往來叶虛齋額味閒所味誠如斯惜哉  
少年過無可置諸師

### 含新亭

虬蟬啟戶蠛蠓

同蒙

飛符甲青青細草菲今日搗詞何處

好含新獨喜最知幾

### 雲繪軒

幾縷春雲散復凝豐隆繪事可稱能便消碧宇誠何礙

設釀甘膏實絕勝惟此祈農心最切輸他學畫法堪憑  
清吟數首足攄興勤政言旋叶庶徵

題錢維城棲霞山圖疊舊作遊棲霞山韻

走筆無端寫攝山忽到眼根前不殊疊浪高拖嶺  
宛識玲峯下有泉高士隱蹤昔肥遯大家畫法此齊賢  
未來過去胥權置

將以明年復舉南巡之典

且爾相於玩偶然

玉斗

亞父未椎前謫仙已眠後芥蒂兩不知誰與辨是否



他山石與磨精製說宣和泛索稱春酒朱顏拚半醅

錢貢溪山雅集圖

四圍綠竹草堂閒堂背老松獨蒼然客來不速知主賢  
尊酒盞二足賓筵古今商榷無俗言觀畫可以論世焉  
爾時祇合娛林泉有誰為賦白駒篇

賦得綠滿窓前

春色露端倪窓前綠欲齊對時此宣席發義昔濂溪詎  
讓篔簹谷寧同芝朮畦生機鬯螟螟畫意染萋萋蝶栩

迷銜蕊鶴來猜印泥化工誠大矣一氣與全提

題富春樓

園樓久額富春名曾未題詩太懶生拾級試觀泰元德  
拈毫敢忘體乾情雖然紅紫遲酣放要識機關在始萌  
色色形形從此望憑欄次第待閒評

湛碧軒

凍解蘆索流漸湛然凝碧一池竭覽楣間題額真是應  
節及時

愛山樓

問誰無所愛仁者乃愛山斯樓得斯名顧寧不腆顏能  
仁渠去聲足當為仁願勉旃鳥語花香地春風秋月天皆  
可謂之仁憑窓攬結間

戲題杼藻軒

天工繪事錦春羅江硯宣毫供玩哦子美集中翻小樣  
賦詩又道不須多

丁觀鵬竹林七賢圖

嗣宗青眼攜子咸叔夜舉白微醺酣河內背立若後至  
忘言之契遲何嫌伶揮毫正頌酒德秀罷佐鍛蒲葵拈  
卿輩意復易敗耳俗物由來有理談

昆明湖泛舟擬竹枝詞

凍解明湖漾綠波新蒲迴雁識春和六橋一帶誰渲染  
借得蘇隄畫意多

前朝微雨潤如酥今日春烘耕織圖那為

去聲

無端供問

景所厯絳婦與耕夫

玉泉山色沐纔如便擬湖洄聊待諸匪止遊知不可亟  
大都興亦欲留餘

西山倒影翠猶濃只少南峯與北峯便使不差一些子  
白蘇麗句孰齊蹤

鷓鴣鷗鷺浴還飛曾未傳宣放水圍詎是飾辭助生氣  
也緣觀物任天機

竹枝本是湘竹枝一篙兩篙畫舫移移向前川宛湘浦  
底殊弄影故林時

藻鑑堂

堂據碧湖中冰消舟始通規形是秋月攬景恰東風有  
照初無示惟明抑且公鑑人如不爽絜矩自吾躬

鏡橋

清遊半晌暢清吟足副前朝騁望心宛轉鏡橋迴棹處  
任誰訝認是山陰

駭春園

捨舟顧空澄拾級登峻陡勞逸豈不殊知常道乃久小

園築山陰亭臺頗亦有遊目足謚懷契神可默口賅春  
亶賅春詎謂富花柳選注設相衡信非自享帚

翠籟亭

洞庭雲門似矣八音六律小哉試問仙璫何自泠泠翠  
鳳吟來

題徐揚芙蓉水禽圖

照水芙蓉落瓣鮮雙魚喁噉意怡然窺潭鷺鷥垂涎立  
挾彈寧防有少年

夜雨

正月廿七日

響靜占風鐸寒生報夜籤  
隔虛聽藻藻懷遠罷漸漸  
澤慰誠厚駢恩敬益添  
東郊利耕溥不寐審何嫌

西直門外

初泮朝煙切曉涼潤侵蘭埒  
土酥香憑輿別有生欣處  
綠毯含風動麥芒

枳籬茅舍石衢隈  
馬踏輕泥不作埃  
遠看新紅近失却  
山桃一樹忽將開



下隰高原潤意濃青圻即日可興農原常來往經行路  
似此佳春得鮮逢

瀛臺宴拔達山諸部回使詩以紀事

遠使徠朝宴遣歸傾誠憐彼戀依依燈宵剛度韶春麗  
夜雨欣晴瑞旭輝乍可頒錫聯撒荔何妨卉服接絲衣  
從來曰信大蒙重安爾耕桑永受襪

太液池泛舟即事

錫宴花門備禮容乘閒蓬島泛遊龍  
舟名仍攜帕首俾同

樂所喜葵心總致恭春水生來蘭葉細霽煙低處柳條  
濃西瀛試問為何若道是真如天上逢

半月韶光爾許殊冰消潏沔水平湖更逢雨霽祥暉候  
可喚仙遊碧海圖理趣鳶飛復魚躍生機白芷與青蒲  
對時懷遠胥和順益凜虧盈奉化樞

題漪瀾堂

凍解碧瀾漪憑窓又一時影翻橫杞練色借蘸楊絲圖  
畫難容擬貞元誰所為高齋設致語道是祇如斯

古柯庭

古槐六百年幾度荆凡閱春明跡已邈  
淳于夢亦歇間庭構其側几榻皆清絕  
樹古庭因古偶憩輒怡悅滿院綠瓊陰  
一窓黃夾纈顧竹如得朋比榆自多潔  
壁間逸

史畫

室中懸姚綬畫雲根老樹槎枒正與古柯寫照雲東逸史綬所自號也

早為傳神設

罨畫軒

小憩雲軒片刻閒俯臨近水復遙山  
石渠底用攜佳卷六法天然丈室間

澄觀堂

闡福寺倚  
書室名

五龍亭久液池堧闡福重修種福田  
大氏舊聞增日下  
何妨新額揭簷前  
春風秋月隨時會  
後樂先憂與物甄  
澄到無澄觀始得心  
期擬似水同然

倪瓚枯木竹石

古樹欲生雲  
踈竹如搖風  
對之多意趣  
學者為愚蒙

二月朔日作

青春乍臨仲  
藁葉舒其芽  
奉時行慶中  
一月倏忽過齋

居喜簡靜靜裏足研摩亦非遠稽古企彼文學科亦非  
暢吟今賦詩實已多於時切自省惟覺怵惕加武成諸  
緒救澤沛三農和

天恩有如此何脩而得耶瞻彼日月明尚有晷蹉吾  
寧不懼哉後樂誠無何

題金廷標人物

舍薪納履且遲行樵伴迴看若有情一例鷓鴣自結繫  
文侯胡乃獨傳名

仲春祭

社稷壇禮成誌事

春祈苾祀暉暉曠

社稷鴻庥

天地同銑首兩珪象生物方中五土表元功夏松殷柏  
開宗古

后土

勾龍協饗崇宗

壘外馘俘獻茗定每思

優貺惕深衷

仲春玉泉山

新年倣度攬煙宮麗日和風景物融青遍  
莎茵生喜意紅苞桃纈識春工山光自辨為  
今昨塔影明標非色空  
硯匣琉璃堪弄筆顏筋柳骨慙難同

華滋館

冬雪春膏脈土宜華滋今歲允華滋莫嫌紅紫遲  
酣放

耐可韶光蘊釀時

飛淙閣

飛淙自在泉石高閣乃享其名可悟主賓無定益覺雲  
水有情大珠小珠空落日面月面煙生香鑪問李白  
三千尺此何爭

涵漪齋

今歲陽和早凍消春水生漾風翻細皺映日澈新清梳  
漱蘭苔茁垂浮鳧鴈鳴察觀一俯仰化理面前呈



竹鑪山房烹茶作

第一泉邊汲乳玉兩間房下煮鑪筠偶然消得片時暇  
那是春風啜茗人

靜益書屋

靜固山之體佳山靜尤謚書屋適在茲受益良非一著  
蔥縱待榮峭舊常標質觀理置簡編體道悟名實可以  
永歲年詎惟消日月

題王炳山水

招提蓮社白雲隈門外飛泉落澗洄訝彼客人豈陶氏  
石橋何事策驢迴

仲春經筵

文華廣殿御香芬啟迪疇咨大雅羣詎止循名欲求實  
敢因戢武忘崇文飛潛動植堪觀化和一慎難總屬君

是日書題四時行馬二句經題其難其慎二句講官各  
就本條行繹朕以時行物生蓋孔子知命耳順以後示  
學者真實至當之理非因子貢以言語觀聖人徒為是  
不待言而可見之語又詆家解尚書率以難慎屬君和  
一屬臣不知太甲不惠阿衡是不和庸罔念聞是不一  
過訓允德是既和且一則和一亦當屬君始非泛訓之

辭因抒所見著論折衷非欲  
與訓詁家爭堅白異同也

畧述會心非逞臆躬行惟

是勉尊聞

二月初八日謁

陵啟程駐蹕煙郊行宮作

翠罕歲蕤啟詰朝

橋山展謁告兵銷面瞻煙墅樓橫近背指潞城塔矗遙  
踈地黃金柳吐穗際天綠玉麥含苗行宮清憩還徹偉  
免治軍書飭善敕

馬上見耕者得詩四首

土膏潤澤農耕早  
侯主侯彊各命羣  
春省由來第一義  
見斯寧不為生欣

淳風自在十家鄉  
婦饁男耕不怨忙  
此是四民最佳者  
書云愛土物心臧

臘雪春膏脈土滋  
乘時力作恐妨遲  
去年曾記艱耕種  
良幸良欣良惕思

看耕端是勝看花  
那覺鳴鞭廿里遐  
分付長官恤民隱

乏籽種者不妨賒

白澗行宮晚坐

柳金搖覆草茵萋閒館瀟清古寺西却祇隔墻看旛刹

那魯尋徑問優尼

行宮左側古寺乃尼院  
性不喜尼從未過問

南臨薊野春

和起北接盤山夕靄低月過上元動歸靜一鈎妙義更  
重提

薊城路戲題二首

昔此薊城路謂有江南意乃從想像得曾未親嘗味今

此薊城路謂有江南意斯則兩經巡得想於攬轡昔想  
幻中幻龜毛兔角譬今想幻中真鏡花水月寄然兩非  
真真真真究竟是叶能仁居獨樂欲以此意置  
幻幻本無真一過跡已掃幻真餘芥蕙縷思反不了何  
更求真真是謂增煩惱露柱與燈籠至竟誰見道知然  
而嘵嘵笑煞釋迦老

獨樂寺小憩

菴羅曉日憩祇園繹思去聲標題漫推論究與金仙不同

道子與氏昔有名言

駐蹕翠雲山房

一區巖館翠雲間至止春風磴道攀  
蕙草戀驄遲過步  
杏花迓客笑開顏在斯信宿原當去  
就此評量合號還  
分付高齋記吾語不還還處祇閒閒

杏花

前朝御園中桃苞纔欲放今日行宮側  
杏朵則已旺始  
信陽春脚與人不相讓一枝出墻頭  
豔豔東風颺客來

固有情客去原無恙

貯雲亭

蔚蔚英英無定姿  
入深散步意俱遲  
巖前褫袖忽飛去  
分付山亭與貯之

天半舫放歌

人之好奇有同然  
顛倒名象圖新鮮  
於船號廬斯廬耳  
於室稱舫又舫焉  
其實室廬與船舫  
求真不得均幻傳  
山館有樓天半懸  
因之曰舫較舫安  
出沒濤山有靜趣



泛濫雲海無驚瀾呼吸顥氣遊以天何須駕之東瀛渤  
遠涉蓬萊方丈求神仙



御製詩三集卷二

總校官庶吉士臣侍朝  
校對官檢討臣王坦修

謄錄監生臣王肯勵

欽定四庫全書薈要

集部

御製詩三集卷三  
四



詳校官原任編修臣徐立綱

欽定四庫全書薈要卷一萬三千四百三十二

集部

御製詩三集卷三

古今體一百八首

庚辰三

陳三  
孝陵  
恭謁

隔歲我來東

珠丘敬告功

衣冠天浩渺松柏歲菁蔥  
凡此封疆拓永維

庇廕蒙蓋臣皆努力幸與初時同

恭謁

景陵

西域已班師

東陵展祀宜闢疆二萬里奏績五年期

默默深叨佑悽悽更益悲敢云成

祖志

祖志注今斯

臨

孝賢皇后陵寢酌酒

謁

陵之便來臨酌設不來臨太矯情我亦百年過半百君

知生界本無生庚回戊去誠倏爾

先后以戊辰仙逝  
今庚辰倏一紀矣

日夏夜冬有底爭掃却喜愁歸靜寄盤山山色實相迎

桃花寺行宮作

寺側行宮信宿佳有泉有石有書齋桃花已供去聲香巖

飭貝葉不萌枯樹茲每讀舊詩擬易句一觀新景又忘  
懷虛窓騁望吾原慣萬壑千溪畫幀排

再題桃花寺八景

湧晴雪

乳竇涓涓噴玉岑晴空六出濺瑤林何當著箇山亭小  
便可名之曰洗心

小九疊

似妬山腰稱趵突却從林頂落飛泉高高下下雖殊狀



九地靈機接九天

吟清籟

不計春秋翠鬱蒸  
每來愛聽籟聲澂  
如今擬問陶弘景  
似此高樓值幾層

坐霄漢

地迴由來俯見卑  
開襟萬景攬無遺  
寸衷常有居高惕  
那覺安心坐在茲

雲外賞

度索蓬萊弟與兄庭前幾樹正芳榮便稱雲外延清賞  
也合呼之是赤城

滌襟泉

輪廣山池纜幾尺渟泓古鑑自千秋襟懷芥蒂誰能免  
常藉滌煩一日留

點筆石

散步探竒倚碧椒地靈構思亦因超得詩便可揮毫泐  
絕勝丹楓與綠蕉

繡雲壁

亦有濃青亦淺朱  
春雲為段簇花鋪  
杜陵詩合臨秋看  
試道當前更底殊

駐蹕靜寄山莊二律

名山與我有宿約  
旋蹕定當數日留  
嵐態松姿恰宜意  
舊題新什檢從頭  
軍書幸免常問夜  
活畫還疑鎮對秋  
却是春工不相讓  
紅紅白白早迎眸

石牆高下護林園  
幾樹杏花紅映門  
峯意總教含道祕

泉聲那可廁人言  
心知靜好難耽靜  
耳厭喧囂易引喧  
無逸一篇還在手  
為予職是牧元元

貯清書屋

嵯嶺復峻嶒千迴  
將萬層雲闌纔得  
叩石磴更須登步  
處那辭倦坐來實  
絕勝龍標工比物  
一片玉壺冰

雨花室

岬嶮得畝平精舍  
引輿詰矮簷雖妨  
帽撲席可容膝徒  
因限地勢詎云卑  
宮室所攬固不窮  
獲通恒以室又能

引靜思萬緣歸澹謚

題澹懷堂

背障端宜別業脩種松高已勢齊樓三春也自紅如濯  
太古終饒翠欲流理趣所欣元是善心期惟與靜為謀  
於斯致遠兼明志津逮何妨問武侯

柳

蒼松翠柏得相於隄上陌頭自不如綠柳何曾讀家語  
擇交解與善人居

雲林石室

詭石根旁出怪松  
隱嶙埽壘歷千重  
却疑雲棧何時盡  
忽訝草廬覲面逢  
到此誰能心不靜  
況當春自興偏濃  
雖然乃更艱成句  
為是名言喻莫從

讀書樓

詩中有畫畫中詩  
語著坡翁意可思  
今日樓窓一再閱  
始知妙合此間宜

受宜居

小齋十笏足周旋  
虛受惟宜萬景全  
仁者見仁知者知  
義經象此注真詮

古中盤作歌

靜寄望中盤  
中盤隱不見  
中盤望靜寄  
眼底畢呈現  
松門之下有路通  
石棧跋馬無塵蹤  
天風謾謾寂人意  
乃得徑造盤之中  
田疇先生今何往  
呼之欲出可想象  
蕊芻經律兩不知  
爾輩風顏却非曩  
東首飛亭瞰虛無  
憑窓縱目有是乎  
石亦磊磊松亦株  
株譬如梅鹽薤醬不

過眼前日用物一經易牙調和其味頓與尋常殊

少林寺壘舊作韻

山深春似秋得地萬松頭自謂無佛分其如與我投五  
言促成句一晌適清遊策騎往雲淨鐘聲下界流

雲淨寺

四山霏翠雨一逕入花歧大士如如相高樓了了披坐  
來襟袖冷望去柳桃時案上置新志

時監山新志成  
命分置各寺

全

盤宛在茲



千尺雪四首

園門西北對山開策騎遊山半刻迴石屋向題千尺雪  
便中聊一俯滌洄

流泉石底萬溪淙匯作平池蔭古松雖是寒山名假借  
天然覺足傲吳儂

適看陰嶺還餘雪復有消成水幾灣綠柳紅桃春物豔  
無窮景荅片時閒

竹鑪茶銚供清陪便啜春風茗一杯笑指碧溪流水道

源頭何較我先來

半天樓

適來山中遊富攬山中景歸園未卓午因復登崇嶺高樓坐天半萬槩從新領是豈悟知足且非觀平等然吾有轉語道本無止境契真動亦定遠俗喧皆靜寄興固不淺得句常因迴

婉孌草堂作

婉孌重來坐草堂春風風物物昌昌為思季女詩曾詠

恰看高人畫又張

中懸董其昌婉變草堂圖名堂亦因此

石罅瀑懸常帶

潤松間籟泛每含涼本來靜寄圖閒趣逐處搜題轉覺

忙

### 對瀑

山中流水多垂崖即為瀑是瀑以何佳佳在對我屋振  
鷺難形容噦鳳非五六前歲耳邊音縱縱無斷續

### 題董其昌婉變草堂圖

墨氣山光分不分迎窓罨壁相入聲氤氳了應三絕一齊

置真者當前翁所云

香光自識云觀李郭畫不復設色米元章云對唐文皇跡令人氣奪

良然

交翠榭

綠環蒼抱蔚陰濃  
雲海林天凡幾重  
設就石壇置丹鼎  
永啼應得葛仙逢

雲起閣

春澤今年實可欣  
却因雲起又思雲  
許家詩裏名斯閣  
屈子騷中望彼君  
柳綠杏紅相澹蕩  
山嵐谷靄與氤氳

何當為雨滋三寸種遍東郊利早耘

夕

春雲傍晚濃春山易為夕春鳥亦歸林春齋清可適  
蒼低孱顏蒼蔚侵簷隙不至望雨勞且免籌邊劇宵燈  
奚遣閒開卷即有益

夜雨

二月十三日

一更淅淅山雲低細雨霏似春煙迷然乎否乎那可定  
瓦雀簷下尋巢棲

二更徘徊剛就枕隔窓漾漾雨已審  
顓思三寸霑則佳  
猶尚未焉誰安寢

三更假寐少偷眠  
眠醒雷注垂簷前  
檢校年來斯厚幸  
不比驀報軍書傳

四更乍徐還乍疾  
農人明曉驅牛出  
果然聽雨發言泉  
也教藻思抽乙乙

五更枕上覺增涼  
優渥當春大吉祥  
便可披衣看山色  
無眠一夜信何妨

山中雨望

夜雨連晨晨更濃  
配藜磴即復春容  
輕輿騁望能無喜  
此喜由來總為農

前峯若失後峯連  
倏合旋開幻嶺煙  
試擬今朝即景句  
玉清真境小遊仙

昨近山行頗厭塵  
千峯乍濯玉璘珣  
流朱飛翠開生面  
樹樹花花笑迎

去人聲

巖枝澗葉總霑濡  
那計平疇渥也無  
便是霏空勢徐止

經喬木下鎮垂珠

三春尺澤遇曾無嘉靈祥霖有是乎振旅宜農駢美慶  
惕亨恤泰益墮吾

再題雨花室

維摩室雨花而我以名此閤常未識妙妙意今觀止山  
雲拖雨來片片絲絲委真蹤不可求空象難為擬是惟  
大吉祥夫豈紛紅紫

池上居



雨中坐池上氣味雅相投細浪涵繁點飛湍助壯流駢  
朱杏入影點翠柳開眸魚躍於天半寧知寸木樓

晴

好雨剛看湊好晴峯煙輕泮峭寒生杏紅潤裏盈盈笑  
松翠流邊謾謾鳴沙淨前溪暗消影瀑含遠峽怒來聲  
予心別有生欣處稻下黍高總可耕

題鄒一桂杏花

雨過春山杏萬枝花花朵露珠垂却疑此樹何獨異

徐悟伊人能爾為

東竺菴中粉本成

甲戌歲於東竺菴曾見盆杏為之寫生既命鄒一桂設色為是圖並題以

句雨窓重詠樓指又六春矣

無端設色命春卿即今江國揮毫暇可

憶田盤扈蹕行

賦得松湍流韻

泉蔭松為蓋松垂泉作紳  
閒中問與荅世外主和賓  
機靜盈乎耳俗蠲會以神  
落空惟有籟接上總無塵  
不是宮商調寧煩夔曠倫  
如因在治忽吾亦企還淳

擷翠樓

因迴為高便置樓，憑欄適足暢吟眸。  
來青八牖納無盡，飛碧四山幻若浮。  
土可稼還泉可濯，春方鬯更雨方收。  
老松新柳都增色，大令丹青遜一籌。

得槩軒

文軒山半小樓遲，近墅遙阡座下披。  
得槩試詢斯所得，春風今度太便宜。

石林精舍

盤山竒以石竒石此為最精舍纔三間磊磊遮其外渾  
淪無圭角猙獰益古怪步深愜靜觀意寂得殊會所以  
問盧龍田疇未肯賣

即事

杏苞李朶遍將開分付銷人莫浪摧不是無端惜微物  
須知天意有栽培

題張宗蒼山水畫

搜題宗蒼畫邇來畧遍矣盤中見是圖空白惜餘紙靚

面何處山科頭誰氏子想彼有卓識曰應隱於此對之  
率爾言思之至當理

聞道士誦經戲題

元壇綴景置黃冠那擬流鈴與跨鸞今日魚山聞梵唱  
可憐仙唄也當官

天成寺

一水緣溪溯兩峯排闥開向年曾屢訪今歲却初來雨  
後松姿翠春前杏意暄最欣跋馬處曾不惹輕埃

萬松寺

天成禮佛便鳴鞭為愛萬松眼界前却歷千盤還萬磴  
從來不易是登仙

松遭劫後仍還翠却笑山僧自賣鄰

往年寺僧伐樹牟利近剝居民因踴

而腹剝殆將童矣後經飭禁始復舊觀

翦伐禁偷山復古可知參贊本由

人

春意山光胥可詩樓窓納遠小憑之天雞一唱萬緣息  
祇惜無能恒在茲

盤谷寺

萬峯春雨後流翠更標奇  
山寺來盤谷雲關讀古碑  
全提僧不曉大意物皆知  
雲罩猶天半驅駉莫漫遲

雲罩寺疊前歲韻

春山紅綠紛獻技爭東風  
寺樓坐空濶却憶前年冬  
青郊茲遍耕絕域早定功  
藁街豎長竿籠首懸元兇  
山莊畧無事忙是遞詩筒

前歲詩有傳蹕歸山莊佇覽達郵筒之句時回部尚未定也

東竺菴

雲罩俯東竺乃在萬澗底東竺仰雲罩遙遙天半矣曾  
無片刻延盤磴忽至止萬事在人為自畫無進理大士  
笑破顏適得一半耳

再題千尺雪

一迴遊寺一迴臨萬古如斯萬古音雨後石泉益清越  
江南春豔祇而今未來可借明年景

將以明年復  
舉南巡之典

過去

難尋昨日心昨日明年齊置却當前流水復高岑

唐寅品茶圖



千尺雪旁安竹鑪壁張伯虎品茶圖却似圖中人語我  
不須如此費工夫

閱本

田盤對春雨方謂愜所願驛本自京來報霑剛及寸覩  
土普潤滋遲待何妨慢究覺心憾憾致惜膏未遍慰無  
終日歡縈有百里悶猶然憂四海吾那饒樂分

謾題

東皇寧藉費工夫色色形形物自模陌柳岡松同一翠

其間蒼嫩迴然殊

冷然閣

飛來高閣倚嵯嶢  
颯沓為佳曠以昭  
旬五底須徵故事  
春中好是遇花朝  
綠霏紅滴初經雨  
蝶螭禽晰總報韶  
坐此却宜拋綺句  
惟餘顥氣與相招

再登半天樓

三日田盤暢遠心  
明將啟蹕重登臨  
似茲結習寧為達  
愛彼高居靜以愔  
欲舞山花半仙態  
能言春鳥不凡音

每來有詠緣何事題壁無過對碧岑

盤山花朝

花朝盤山亦屢度盤山今歲真花朝千峯萬壑總霞蔚  
老松詭石還春韶雨後濕紅露含朶風前軟綠珠垂翹  
剪綵綴林却底藉分棚張樂嫌喧囂何如澗泉鳴處流  
錦片聲聲色色堪悟空同條

戲別引勝軒

虛窓置大食玻璃萬壑千峯座裏披獨是未能忘物我

興來輒復有言詞清風明月食無盡近景遐觀攬莫遺  
却慙去聲三間如致問忽忽去者竟奚為

盤龍山行宮作

盤山曉別駐盤龍華蓋盤山最高峯名迴瞻翠鬱濃此是於田

聊一見已教氣象壓諸峯

樸宇雅堪一宿居庭花今歲不孤舒消閒底覺便宜處  
到處芸香置有書

夕陰

田盤雨優渥西來覺不逮曾無百里隔何致頓爾異因  
悟雲依山賓主自殊勢傍晚雲低田設雨必滂沛又不  
能無望惟是殷祈歲

曉行

夜雨不成寸曉行仍復陰了無塵染袂且喜麥抽針野  
水浮前渡村煙暗遠林清明節已近負郭杏花深

順義縣行宮壘戊寅舊作韻三首

忽作輕陰忽作晴由旬半日望中行離宮過午霏霞霞

額手今番料雨成

郊樹春煙釀薄寒  
新題舊什檢無端  
那堪事定憶未定

曾此軍書丙夜看

前歲駐此有竹待郵函報捷  
看及繫頸有待獻回渠之句

密雲傍晚低空宇  
澍雨中庭滿細渠  
成武兼欣兆農慶

天恩益厚益兢予

夜雨

二月十七日

春雨田盤足迤西  
未渥霑何期三日  
隔又喜一犁占剛

盼即蒙澤稍愁頓覺快

天麻駢疊被慄慄奉流謙

回蹕詣

暢春園問

安

十日東巡濶問

安起居趨奉

寢門歡春郊雨澤誠欣意仙苑韶光已暢觀可報農占  
足稱美定知

慈慮亦因寬然予切凜盈虛理祇覺為君果是難

御園仲春即事

春郊快攬綠年迴更值園花雨後開  
姹紫嫣紅珠露綴含苞纈蓋信風催  
水增新影涵白芷山改常姿點翠苔  
却為疇咨疏十日畧無餘暇賞登臺

春雨軒

雨歇園花總濯然輕風暖日泮朝煙  
禽音帶潤飄林外蝶影含香到埭邊  
春色誰云無實相軒名今識不虛傳



獨予慰每兼憂切夏長秋收敢定前

含韻齋玉蘭

琢玉雕瓊已鬯開是何清馥襲人來雅能點筆能無語  
似道欣逢翠蹕迴

臘雪春陽培養佳彈苞擘蓋六株皆竹溪鴻像漱芳潤  
比並人惟者箇諧

閒庭過雨濯瑤姿暢好清明駘蕩披便是來朝鳴蹕去  
一年春閱椀茶時

鶴安齋

樸室水之裔嘉樹為其屏方蓬豈必樓心疑即斯境幽  
禽翩然翔予予步顧影齋前性所安露下韻愈警我來  
惟片時難值靜以永明月與清風合付胎仙領

題金廷標畫

水閣曝書芸帙開奚奴延望小徘徊船頭更有招呼者  
為報主人載鶴來

山將欲雨水先波景可行看事可哦便是畫家工別裁

去聲  
等閒不較法如何

北遠山村

山村邇歲畧稀遊  
雨後偷閒試泛舟  
桃李清溪穿一帶  
詩吟摩詰雅相投

清明時節自年年  
何必虛名說禁煙  
榆葉杏花交隱暎  
鳴榔聲裏又前川

拍隄新水浪紋涵  
綠柳紅花天蔚藍  
記得南巡好景在  
行春橋接石湖南

金夕口人  
卷三  
青蒲白芷碧溪灣入影新螺過雨山有喜近臣許知得  
那知喜在稻田間

仲春舍經堂

我愛含經名更繹舍經義汲古緬韓綆佩文企邊笥延  
清披宸香行春返旌翠於時月之仲快值雨初霽羣芳  
既駘蕩韶光復明媚寧惟寸陰惜兼觀萬物備

題錢選三蔬圖

黃花翠葉滿畦芳伴食無過此味長寄語青綾被底客

謾須虛飽大官羊

右菘

試參善知識應同便憶韜光山下重此路中能尋解脫  
底須更問葛陂龍

右筍

風霜經慣祇如如沙壤金城根葉舒繪事詎工味須識  
早曾小幘仿三蔬

舜舉別有三蔬小  
幘向曾臨樵一過

右蘿蔔

清明日

安佑宮行禮

東陵迴待謁

西陵冷節偏逢感不勝

神御拜瞻思

色笑宗藩陪叩視嘗烝

近支諸王及皇子等並隨行禮

冷淘槐葉詩傳

好春雨杏花繪比能敢向園亭酬景物對時惟是凜繩

承

二月廿一日恭謁

秦陵啟蹕疊乙亥韻紀事

東歸既歲

祀西來緣上

陵啟蹕疊舊韻往事迴憶生

舊作有命師莫西極有事告

二陵之句 逆

者畢掃穴順者胥來庭展謁叩

默佑首頓駐翠旌拓疆萬餘里告功五易星郊勞循

祖典即看舉回程

將以二十七日

黃新莊時將軍參贊大臣等凱旋至

郊卽於翌晨詣良鄉縣南迎勞其築壇張幄列

蠶拜

天諸臣以次行禮覬謁一遵

祖制

將軍兆惠富德差乾清門侍衛來請安詩以賜之

數年萬里未為遙遙在將逢隔五朝却為勞儀待旋蹕

時將軍等凱旋近郊擬以二十七日  
上陵回程具儀迎勞如三秋念轉無聊

### 麥色

麥色西來蔚似東隴乾覺畧有塵蒙問知需未一犁土  
為望澤殷方寸衷何地非民非稼穡祈年是慎是初終  
大房山作英英矣好雨應資綠野芄



半壁店行宮作

背山面水渠行館似村居  
柳葉當春護杏花今日舒  
閑來誰問彼西望祇悲予  
底事消煩緒還翻要道書

夜雨

二月廿一日

傍晚微雲無雨望四更  
山雨湊雲來麥疇自利  
芄抽節黍隴還期潤到  
芡隔牖不妨侵薄冷問  
途早是淨纖埃今春膏  
澤隨人願寔覺欣哉益  
惕哉

永慕齋

待漏行齋一宿居顧名思義愴愁予詎云皆可志希舜  
却是知非年似蘧雨後春雲猶護嶺夜深巖月迴含虛  
無生大旨承

提命到此終難萬慮除

恭謁

秦陵

質明峯樹辨

陵園趨謁

松宮冠劍存敢曰

志成蕩鹽澤亦云功定靖花門凡茲萬里遐宣武總荷  
九天默佑恩二十五年如一瞬

鼎湖迴憶痛難言

秋瀾村

新波曲岸柳垂絲信宿閒齋小憩遲底事春來亦秋意  
為予西望每淒其

二月廿七日郊勞出征將軍兆惠富德及諸將士

禮成紀事

京縣郊南親勞軍

園壇陳

壽縣謝成勲出師本意聊嘗試

西陲之役始以厄魯特諸台吉率衆款附請兵甚力

我喀爾喀牧圍勢不可以錯處滋患無寧及其鋒而偏師嘗試特計因其地以撫之故 禡旗命將之典槩未

舉行語具乙亥告成碑記茲準夷既平而回中諸部以次戡定寔荷 上蒼 宗社鴻庥非敢謂先時送

親也 奏凱今朝備禮文釋甲弢戈罷征伐論功行賞榮

忠勤膝前抱見詢經歷

國朝舊制凡出征將領成功還者行抱膝跪見禮以示優異今

即遵  
行

一瞬五年成以欣

同心萬里那睽違畢竟歡言賦采薇勇將歸來兼福將  
黻衣著得解戎衣漫稱偃武修文日恐即嬉文恬武機  
飲至寧誇暢和樂持盈益勵慎幾微

御製詩三集卷三